

لمسة حنان من ريش جناحها

الحياة لما تعدى مقلقه

كسر الازاز مدشوش بببرق فى الوميض..
ومالوش عزيز على إنه يتللم حنت..
ولا حتى بيدارى الكسوف م الخوف والانسحاق..
تحت أقدام البشر
وما عدش خير ولا حتى شر..
ولا حاجه لافته الإنتباه
آه م الحياة لما تعدى مقلقه..
ويا إنتشار الأوبئة والموت رخيص
عمال يخطط ع البيبان
يحصد الأرواح وهو مختفى
الدنيا ليل ولا النهار هربان

خلف غيمه معتمه
لا سيما فرحه بتقات مرغمه..
تنبت في قلب اللحظة..
إما جنين أو برعمه
تكبر شجر دفيان بيطرح أوسمة..
تطلع سما ونعود كما عصفور جريح
وجناحه ما تحملش ريح..
يكره صفيح مسقوفه بيه بيوت الفقاره
يا ميت خساره..
على اللى عدى من هنا ولا لوش أماره
غير إنه ساكن جوا حارة
والحاره بتسلم لحاره.. لحارة سد..
لا دنيا راح تتهد
ولا جملة بتكمل عبارة..
زى كسر إزاز مدشش ببيرق فى الوميض
ومالوش عزيز علي إنه يتلملم حتت..
يبقى سليم ولا يوم بيعرف لانكساره
رافع جبينه لوش شمس الضحى..
ومالك قراره.